

LEMBARAN PENDEDAHAN PRODUK - PENULISAN WASIAT

Dikeluarkan oleh;

Diedarkan oleh;



Sila baca helaian Lembaran Pendedahan Produk ini sebelum anda membuat keputusan untuk melanggan Penulisan Wasiat RAKYAT TRUSTEE BERHAD (RTB).

1. Apakah yang dimaksudkan dengan Wasiat ?

Wasiat adalah Iqrar yang diperbuat semasa pewasiat masih hidup bagi menyerahkan pemilikan ke atas harta atau manfaat atau hak kepada benefisiari yang ditentukan oleh pewasiat untuk menyempurnakan maksud kebajikan atau apa-apa tujuan yang dibenarkan menurut hukum Syarak, untuk berkuatkuasa selepas pewasiat meninggal dunia.

Perkhidmatan penulisan wasiat Islam tertakluk kepada had 1/3 yang diwasiatkan kepada bukan waris dan menetapkan 2/3 kepada waris melalui hukum Faraid selepas selesai kos pengurusan jenazah dan pelunasan hutang.

2. Apakah konsep Syariah yang digunakan untuk produk ini?

- i. Hubungan kontraktual antara CBP dan RTB adalah berlandaskan kepada akad ju'alah berdasarkan kepada ciri-ciri perjanjian perniagaan yang berasaskan komisen yang dibayar selepas disahkan ada pencapaian (tanpa upah tetap).
- ii. Hubungan kontraktual di antara CBP dan Pelanggan ialah al-Wakalah. Ia bermaksud penyerahan tanggungjawab yang ada pada seseorang (muwakkil) kepada seseorang yang lain (wakil) dengan upah fi wakalah yang dipersetujui awal dan terma-terma tertentu agar wakilnya itu menguruskan segala tanggungjawab yang diwakilkan.

3. Bagaimanakah syarat kelayakan Pewasiat?

- i. Individu MUSLIM yang berumur 18 tahun ke atas atau bagi negeri Sabah, 21 tahun ke atas.
- ii. Waras akal fikirannya sewaktu mendaftar Wasiat; dan
- iii. Bertindak dengan sukarela dan tidak dipaksa.

4. Produk Wasiat yang ditawarkan oleh RTB adalah?

- i. Wasiat Asas (Islam)
- ii. Wasiat Komprehensif (Islam)

5. Apakah tanggungjawab anda?

- i. Anda harus baca, faham dan melengkapkan segala maklumat yang dikehendaki di dalam sistem Rakyat4U dan Surat Wasiat dan membayar fi yang dikenakan.
- ii. Pastikan anda memberi segala maklumat dan data peribadi yang betul dan jelas.
- iii. Wasiat anda adalah Wasiat Asas di mana pembahagian wasiat 1/3 diberikan kepada selain ahli waris dan 2/3 dibahagikan kepada ahli waris mengikut Hukum Syarak iaitu Faraid.
- iv. Pindaan Wasiat kepada Wasiat Komprehensif selepas ini adalah dibuat terus ke RTB selepas permohonan anda berjaya.
- v. Tidak membuat wasiat melebihi 1/3 kepada bukan waris yang menyebabkan timbul bantahan dan pertikaian undang-undang oleh waris lain pada masa hadapan.
- vi. Tidak membuat wasiat kepada waris tertentu yang menyebabkan timbul bantahan dan pertikaian undang-undang oleh waris lain pada masa hadapan.
- vii. Tidak membuat wasiat atas harta tidak wujud, harta tidak sah, harta haram atau harta syubhah yang tidak dimiliki, harta dalam pertikaian.

6. Apa yang berlaku sekiranya anda gagal memenuhi tanggungjawab anda?

Pihak kami tidak dapat memproses permohonan anda dan menyebabkan Wasiat anda tidak memenuhi syarat perundangan Wasiat dan tidak dapat dilaksanakan.

7. Apakah yang dikatakan Wasiat Terakhir?

Wasiat Terakhir adalah wasiat yang terkini ditulis oleh simati. Wasiat ini akan digunapakai dalam urusan pentadbiran pusaka untuk mendapatkan Geran Probet daripada mahkamah dan seterusnya proses pencairan harta simati.

8. Apakah itu Wasiat Digital?

Wasiat Digital ialah Wasiat yang ditandatangani secara digital yang mematuhi terma-terma dan dikawal selia oleh Akta Tandatangan Digital 1997 dan Peraturan-peraturan Tandatangan Digital 1998 dengan pihak berkuasa memperakui dengan mengeluarkan Sijil Perakuan kepada pelanggan yang memohon serta diselia sepenuhnya oleh Suruhanjaya Komunikasi dan Multimedia Malaysia (MCMC).

9. Bagaimana cara untuk membuat Wasiat Digital Komprehensif?

Melalui portal Rakyat4u, pelanggan boleh membuat pindaan wasiat dengan menyertakan pembahagian penerima bukan waris 1/3 bahagian, perlantikan penjaga harta anak bawah umur atau kurang upaya, penyenaraian lengkap harta dan liabiliti dengan muatnaik dokumentasi sokongan contohnya Hakmilik / Geran Tanah, dokumen institusi kewangan, geran kenderaan, Salinan kad pengenalan benefisiari dan sebagainya.

10. Apakah Fi dan Caj yang perlu dibayar untuk Perkhidmatan ini?

Fi perkhidmatan Penulisan Wasiat adalah RM500.00 dan pindaan Wasiat adalah percuma.

11. Berapakah Fi Pentadbiran Pusaka untuk melaksanakan Wasiat ?

Fi Pentadbiran Harta Pusaka Berwasiat adalah 1.8% daripada jumlah dan nilai terkini harta sewaktu Pentadbiran Pusaka kelak (*tidak termasuk kos pihak ketiga*).

12. Apakah perbezaan tandatangan digital dan tandatangan elektronik?

Tandatangan digital menggunakan teknologi pengkodan dan penyulitan untuk mengelakkan tandatangan daripada sebarang pencurian identiti dan pemalsuan dokumen, serta melindungi daripada pengubahsuaian selepas tandatangan. Tandatangan ini juga tertakluk kepada Akta Tandatangan Digital 1997 dengan pihak berkuasa memperakui melalui pengeluaran Sijil Perakuan kepada pelanggan yang memohon serta diselia sepenuhnya oleh Suruhanjaya Komunikasi dan Multimedia Malaysia (MCMC), manakala tandatangan elektronik terdedah kepada risiko pengubahan, penipuan dan pemalsuan kerana tidak diselia oleh badan pengawal. Tandatangan elektronik ini tertakluk di bawah Akta Perdagangan Elektronik 2006.

13. Bagaimanakah cara untuk mengakses Wasiat Digital?

Akses boleh dibuat secara atas talian menggunakan peranti elektronik dengan akses masuk ke portal pelanggan iaitu RAKYAT4U menggunakan identiti pengguna dan kata laluan yang telah diberikan melalui e-mel pelanggan.

14. Perlukah Wasiat Digital disimpan sendiri salinannya?

Setiap Salinan Wasiat yang telah lengkap akan diberikan kepada pelanggan melalui e-mel pelanggan. Pelanggan boleh menyimpan secara fizikal dengan memuat turun dan mencetak Wasiat tersebut. Pelanggan juga boleh mengakses portal Rakyat4u pelanggan untuk melihat atau memuat turun semula Wasiat yang terkini.

15. Apakah kelebihan Penulisan Wasiat?

- i. Menyatakan hasrat bagi pelaksanaan wasiat 1/3 kepada selain daripada ahli waris seperti kepada tujuan-tujuan filantropi dan kebajikan.
- ii. Pelantikan Wasi melalui dokumen wasiat akan memudahkan pengurusan dan pentadbiran harta pusaka selepas kematian.
- iii. Pewasiat dapat melantik Wasi yang boleh dipercayai dan mampu melaksanakan arahan Pewasiat dengan sempurna.

16. Apa itu Wasi?

Wasi adalah Seorang atau Perbadanan yang dilantik oleh Pewasiat semasa hidup iaitu Rakyat Trustee Berhad sebagai Pentadbir dan Pemegang Amanah untuk mentadbir harta pusaka peninggalannya serta melaksanakan hasrat dan arahnya selepas berlaku kematian kelak.

17. Apakah yang terjadi sekiranya tiada Wasi dilantik?

- i. Kesemua Waris-Waris perlulah bersetuju melantik Pentadbir Harta Pusaka sama ada dalam kalangan Waris atau pihak luar.
- ii. Waris perlu dikumpulkan dan dijelaskan berkenaan peranan Pentadbir dan kebiasaannya ini mengambil masa yang lama disebabkan kekangan masa, kesukaran mengumpulkan waris dan sikap mereka.

18. Untuk maklumat lanjut, hubungi kami :

RAKYAT TRUSTEE BERHAD
Lot 1, Level 24, Menara TH Selborn,
No 153 Jalan Tun Razak, 50400 Kuala Lumpur
Talian Mesra Rakyat: +603 2602 2722
E-mel: admin@rakyattrustees.com.my
Laman sesawang: www.rakyattrustees.com.my